



partii naleraq

Nuuk 21.maj 2019

UPA 2019/161

Jens Napätök, Partii Naleraq

**Nunatsinni sygeforsikring atuutilissagaluarpas suut pitsaaqutaassanersut suullu ajoqutaassanersut pillugit apeqquteqaat aallaavigalugu oqallisissiaq.**

(Inatsisartunut ilaasortaq Siverth K. Heilmann, Atassut)

Inatsisartunut ilaasortaq Siverth K. Heilmann, Atassut Apeqquteqaat aallaavigalugu oqallisissiaq saqqummiuppat oqallisigitikkusullugu Nunatsinni sygeforsikring atuutilissagaluarpas suut pitsaaqutaasinnaanersut suullu ajoqutaasinnaanersut.

Taamatut apeqquteqarlutit oqallissarininnut qujassuteqarfigalugit Partii Naleqqamiit imatut oqaaseqarfigissavarput.

Partii Naleqqamiit isumaqarpugut peqqinnissaqarfimmi unaminartumik inissisimalersimasugut nunatsinni aammalu pitsaanerpaaffimiinnissaa qulakkeerniarlugu qanoq iliuuseqartuartaqartugut.

Taamaammat periarfissat ilaattut taamatut nunatsinni sygeforsikring atuutilernissaanut suut pitsaaqutaasinnaanersut suullu ajoqutaasinnaanersut isumaqarpugut Naalakkersuisut sukumiisumik sulianut ilanngullugu qulajaaffigisariaqaraat.

Sygesikring atuutilissagaluarpas qulakkeerniarneqassaaq ilumut akissallit kisimik sukkanerusumik pitsaanerusumillu suliarineqarlutillu kattorsarneqarsinnaalernissaanut kisimi iluaqutaalissanginnersoq.

Pissakinnerusut qanoq sukkullu ilanngullugit iluaqutigisinnaanerat nalilersuiffigineqarluartaqarlunnartut ilagaat.

Nunatsinni sumiiffinni amerlavallaani arlaatigut kiffartuussineq pitsanngorsarneqartariaqarpoq, soorlu kigutilerisoqarnikkut piorsaasoqaqqittariaqarpoq, sumiiffinni amerlavallaani kigutinik piaasarfiinnartut kigutileriffiit inissisimasarnerat annertuallaqaaq. Taamaammat kigutit paaannartarnagit arlaatigut sygeforsikring aqutugalugu pitsanngorsaasoqarsinnaappat iluaqutaasinnaasut ilanngullugit nalilersorneqarnissaat Partii Naleqqamiit kaammattutigerusupparput.

Tassa qulakkeerrinninnissaaq pisariaqarpoq aammalu qanoq akilersuisoqarisinnaanersoq, soorlu meeqqanut ilaqutariinnut aammalu kigutinut allatigullu qanoq aqqissuussisoqarsinnaanersoq qulaajjaffigisariaqarlunnarpoq.

Taaamatullu aamma suliffeqarfinnut suliffeqarfiutilinnullu qanoq periuseqartoqarsinnaasoq pitsaaqutai suullu ajoqutaasinnaanersut ilanngullugit qulaajaaffigilluaqqunarpud.

Taamatut naatsumik oqaaseqarluta nunatsinni sygeforsikringeqarsinnaaneq atuutilissagaluarpas qulaajagassat pillugit oqaaseqarluta Naalakkersuisut suliaqarsinnaanissaanik kaammattuuteqarpugut.

Qujanaq